



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net
Curat: **siur Paul Campeï**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C

**13.03.2022 - 20.03.2022 - Secunda domënia de
Carsëma**

n. 16

Scuté sö chê?

📖 **Gen 15, 5–12.17–18 | Fil 3, 17 – 4,1 | Lc 9, 28b–36**

Dal Vangele do San Lüca:

Te chël tēmp ^{28b}à Gejù tut Pire, Jan y Iaco sön na pert y é jü impara sön na munt a perié. ²⁹Y tratan ch'al periâ, s'à mudé l'aspet de so müs, y so guant é diventè blanch lominus. ³⁰Te n iade baiâ dui ëi impara. Al ê Mosè y Elià; ³¹ai ê aparîs te n lominus raiënt y baiâ de süa fin, che dô s'adempli a Ierusalem. ³²Pire y sü compagns ê gnüs coiüs dala sonn, mo ai s'à descedè y odô Gejù te n lominus raiënt y i dui ëi che ê dlungia d'ël. ³³Canche chisc dui orô s'un jì demez da d'ël, à Pire dit a Gejù: Maester, al é bun ch'i sun chilò. I orun fà sö trëi üties, öna por tè, öna por Mosè y öna por Elià. Mo al ne savô nia cí ch'al dijô. ³⁴Çiamò tratan ch'al baiâ, él gnü na nìora y i à curì cun süa ambria. Ai ê rovà ite tla nìora y se temô. ³⁵Y dal nio scraiâ na usc: Chësc é mi Fi prelité, ascutédele! ³⁶Mo do che la usc â zedü, ê Gejù indô su. I discepui scutâ y ne ti cuntâ en chi dis a degügn cí ch'ai â odü.



Oraziun dl de

Bel Dî, tö nes as racomanè de ascuté to Fi: nudrëscesse cun tüa parora y purifichëia i edli de nosc spirit, ch'i sunse bugn da reconëscce tüa gloria. Por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por düc i secui di secui. – Amen.

📖 **Letöres dla Terza domënia de Carsëma:**
Is 6, 1–2a.3–8 | 1 Cor 15, 1–11 | Lc 5, 1–11

Edema liturgica dai 13.03. ai 20.03.2022

2022	Ora	Mëssa
2^a DOMENIA 13.03 DE CARSEMA <i>oferta por la dlijia</i>	9.30 10.00	<i>Staziuns (fomenes-eres)</i> Gran Mëssa por la comunité a onur de s. Ujöp 1^a de sop. + sr.Maria Goretti (Angela) Canazzei aniv. + Teresa Ferdigg
LÖNESC 14.03	8.00	s. Mëssa + Edith Prousch
MERTESC 15.03	17.00	<i>Staziuns</i>
MERCUI 16.03	7.25	s. Mëssa di scolari ++ Magdalena y Johann Siller
JÖBIA 17.03	17.00	<i>Staziuns</i>
VENDRES 18.03	7.25	s. Mëssa +++ Tone, Maria y Paul Unterweger
SABEDA 19.03 <i>S. UJÖP, nök de Maria</i>	18.00	s. Mëssa a onur de s. Ujöp <i>ital.</i> + Maria Zingerle <i>(mëssa ciantada dal Cor de Dlijia)</i>
3^a DOMENIA 20.03 DE CARSEMA <i>oferta por la dlijia</i>	9.30 10.00	<i>Staziuns (jogn)</i> Gran Mëssa por la comunité 2^a de sop. + sr.Maria Goretti (Angela) Canazzei families Dejaco, Maier + Amalia Erlacher + Iarone Erlacher



Informaziuns y terminns

Sr. Maria Goretti (Angela) Canazzei: nasciüda ai 26.05.1941 a Antermeia. Monia de ciarité de s. Crusc da Besozzo. Jüda te cunvënt a 18 agn, us (voti) perpetui a 27 agn. A Besozzo, a Varese y a Roma por stüdi universitars cun laurea de lingac. A Besozzo professuria de lingac, tla ciasa provinziala maestra dles novizes, aconsiadëssa provinziala, assistënta provinziala, superiura dla congregaziun, dal 2008 laurs desvalis. Te n tēmp de gran mudaziuns y nia saurí ara tut sura laûrs de gran responsabilité por l dagní dl convënt y à salpü da laoré por la congregaziun cun prudēza, savēi y generosité. R.I.P.

Staziuns: sce val **sorvidú/essa** ó gni de süa buna a sorví dales staziuns ele sanbegn begn odü.

La strotöra sozuala La Spona chir da atira en tislér , en operadú/na operadëssa sozio-assistēnzial/a (Sozialbetreuter) o n operadú/na operadëssa sozio-sanitar/a (Pflegehelfer/in). Por informaziuns telefonè al [0471 843060](tel:0471843060) (danter les 8.00 – 15.00h y damané do Manuela Winkler)

Sesciuns forestales - La staziun di verdabosc d Al Plan lascia alsavēi che chēsc ann ne gnaral nia tigní la sessiun forestala a San Martin. I paurs y patruns de bosch da San Martin è porchël inviá a to pert a öna dles dös serades de informaziun a La Pli o LaVal. La Pli ai 15 de merz dales 20:00 te Ciasa dles Uniuns - La Val ai 17 de merz dales 20:00 te Salf dles manifestaziuns Por to pert ole ester le 2G y mascherot FFP2 !!

L'Aziēnda Museums Provinziai chir por **le Museum Ladin** Ciastel de Tor a San Martin de Tor o por le Museum Ladin Ursus ladinicus n colaboradù/na colaboradëssa pro la cassa cun alplü 24 ores al'edema, 4. Livel. Le contrat é a tēmp determiné dai 01.05. ai 31.10.2022. Requisic damaná: Diplom dla scora mesana y implü formaziun de almanco 2 agn ti seturs dl comerz, contabilité, aministraziun o secretariat o2 agn de scora alta cun ejam ECDL Por informaziuns plü menüdes scrí a info@landesmuseen.it. Mené les domandes cun curriculum vitae y foto anter i 24.03.2022 a info@landesmuseen.it.

La **Musiga da San Martin** mēt a jí n **de dla porta daverta** por imparé a conēsce i stromēnc dla musiga. Al gnará dé informaziuns desvalies y presenté i stromēnc che vēgn soná tla musiga. Düc i interessá y apascioná, pici y gragn, é dēr bel inviá da gní en sabeda ai 19 de merz dales 17:00 ales 18:00 tl local dla Musiga a San Martin.



Der heilige Josef (Festtag: 19. März):

Sensibl tl aldí Idî, costant te so amur, energich tl agí. Idî baia plü iadi tres n angel cun èl tl scür dla nôt y tla profundité dl sonn, y Ojöp se descëda a se instëss y a süa vocaziun. Le môt, che rapresentëia la vëia de salvëza y la fedelté de Idî, tolel sö da pere y ciara de èl sciöche n pere.

Zuspruch AM SONNTAG

Zweiter Fastensonntag C

Wie der stille See seinen dunklen Grund in der tiefen Quelle hat, so hat die Liebe eines Menschen ihren rätselhaften Grund in Gottes Licht.

Sören Kierkegaard

Mësses a Rina:	Dom 8.30 Dedol 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Dedol 16.00 Jöb 7.30 Sab 19.00 Dom 9.30

	14.03 - 19.03.2022	Raphael A. - Samira
	20.03.2022	Kristel – Kathrin - Denise - Joel U.
	19.03.2022	Raimund Frenner
	20.03.2022	Giovanna Rubatscher
	<p>Les mius aodanzes por le compliagn ti fajunse a Erlacher Giuseppina (79) y Sottrovisch Maria (80). Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it